



Na osnovu člana 22 Statuta Brčko distrikta BiH – prečišćeni tekst (Službeni glasnik Brčko distrikta BiH, broj 2/10) i članova 64, 129 i 130 Poslovnika o radu Skupštine Brčko distrikta BiH (Službeni glasnik Brčko distrikta BiH, broj 54/18 – prečišćeni tekst i brojevi: 17/20 i 24/20), razmatrajući Nacrt zakona o obnovljivim izvorima energije i efikasnoj kogeneraciji u Brčko distriktu Bosne i Hercegovine, Skupština Brčko distrikta BiH, na 25. redovnoj sjednici, održanoj 25. maja 2022. godine, donosi

O D L U K U
O ODRŽAVANJU JAVNE RASPRAVE O NACRTU
ZAKONA O OBNOVLJIVIM IZVORIMA ENERGIJE I EFIKASNOJ
KOGENERACIJI U BRČKO DISTRIKTU BOSNE I HERCEGOVINE

Član 1

Ovom odlukom uređuje se način održavanja javne rasprave o Nacrtu zakona o obnovljivim izvorima energije i efikasnoj kogeneraciji u Brčko distriktu Bosne i Hercegovine.

Član 2

Nosioци aktivnosti sprovođenja javne rasprave su **Komisija za komunalnu, javnu djelatnost i zaštitu okoline Skupštine** Brčko distrikta BiH i **Odjeljenje za komunalne poslove** Vlade Brčko distrikta BiH.

Član 3

Zadužuju se Stručna služba Skupštine Brčko distrikta BiH i Vlada Brčko distrikta BiH da u roku od tri (3) dana od dana usvajanja ove odluke, Nacrt zakona iz člana 1 ove odluke učine dostupnim na web-stranici Skupštine Brčko distrikta BiH www.skupstinabd.ba i web-stranici Vlade Brčko distrikta BiH www.bdcentral.net.

Član 4

Javna rasprava bit će održana **1. juna 2022. godine u 14 sati u velikoj sali Skupštine Brčko distrikta BiH.**

Član 5

Finansijska sredstva za organizovanje i sprovođenje javne rasprave obezbijedit će Vlada Brčko distrikta BiH.

Član 6

Nakon sprovedene javne rasprave **Komisija za komunalnu, javnu djelatnost i zaštitu okoline Skupštine** Brčko distrikta BiH sumirat će rezultate kompletne rasprave i podnijeti Skupštini izvještaj s prijedlozima i mišljenjima s javne rasprave.

Član 7

Zapisnici s javne rasprave dostavit će se poslanicima Skupštine Brčko distrikta BiH, Zakonodavnoj komisiji Skupštine Brčko distrikta BiH, **Komisiji za komunalnu, javnu djelatnost i zaštitu okoline Skupštine**, Odjeljenju za komunalne poslove, gradonačelniku Brčko distrikta BiH, prije nego što se Nacrt zakona uputi u proceduru drugog čitanja.

Član 8

Ova odluka stupa na snagu danom donošenja i bit će objavljena u Službenom glasniku Brčko distrikta BiH.

Broj: 01-02-2447/22
Brčko, 25. 5. 2022. godine

PREDSJEDNIK
SKUPŠTINE BRČKO DISTRIKTA BiH
Mr. sci. Siniša Milić

Dostavljeno:

1. Predsjedniku
2. Dopredsjedniku
3. Gradonačelniku
4. Komisiji za komunalnu, javnu djelatnost i zaštitu okoline
5. Zakonodavnoj komisiji
6. Odjeljenju za komunalne poslove
7. Sektoru za opšte poslove i strateško planiranje
8. Arhivi